

UGOVOR

Br: 0602-3012-13/17

Nabavka i implementacija računovodstvenog programa sa pripadajućom IT infrastrukturom

UGOVORNE STRANE:

UGOVORNI ORGAN: KJKP „POKOP“ d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004, porezni broj PDV: 200119040004.

DOBAVLJAČ: Konzorcij: **Mibo komunikacije d.o.o.** Sarajevo, ul. Tvornička 3 i **Next Vision d.o.o.** Kolodvorska 11A, Sarajevo, kojeg zastupa direktor Marko Boštjančič (u daljem tekstu: Dobavljač)
ID broj: 4200470540005, porezni broj PDV: 200470540005.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog Otvorenog postupka za javnu nabavku roba - **Nabavka i implementacija računovodstvenog programa sa pripadajućom IT infrastrukturom**, objavljenog na Portalu javnih nabavki BiH, broj Obavještenja 775-1-1-142-3-55/17 od 24.11.2017. godine, Sažetka obavještenja o nabavci objavljen u „Službenom glasniku BiH“ broj 85/17, Zapisnika o pregledu i ocjeni ponuda broj 0602-3012-9/17 od 18.12.2017. godine, prihvaćene ponude Dobavljača broj 0602-3012-7/17 od 15.12.2017.godine i Odluke o izboru najpovoljnijeg ponuđača, broj 0602-3012-10/17 od 18.12.2017.godine.

PREDMET UGOVORA

Član 2.

Predmet ovog Ugovora je Nabavka i implementacija računovodstvenog programa sa pripadajućom infrastrukturom, za potrebe Ugovornog organa prema obrascu za cijenu ponude, koja čini sastavni dio ovog Ugovora.

Ugovorni organ i Dobavljač su saglasni, da Dobavljač u ime i za račun Ugovornog organa izvrši implementaciju računovodstvenog programa sa pripadajućom infrastrukturom iz stave (1.), ovog člana prema sadržaju tenderske dokumentacije, ponude sa kojom je Dobavljač učestvovao u provedenom postupku javne nabavke provedenom putem Otvorenog postupka i u skladu sa narednim odredbama ovog ugovora.

UGOVORENA CIJENA

Član 3.

Ugovorena cijena za nabavku i implementaciju računovodstvenog programa sa pripadajućom infrastrukturom iz člana 2. ovog Ugovora iznosi:

Cijena iz člana 2. ovog Ugovora bez PDV-a iznosi	119.435,00KM
PDV na ponuđenu cijenu iznosi	20.303,95KM
Cijena iz člana 2. ovog Ugovor sa PDV-om iznosi	139.738,95KM

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti u roku do 60 (šesdeset) dana nakon nabavke i implementacije računovodstvenog programa sa pripadajućom infrastrukturom, a na osnovu prijema uredno ispostavljene fakture sa odgovarajućim priložima od strane Dobavljača, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 5.

Nabavka i implementacija računovodstvenog programa sa pripadajućom infrastrukturom iz člana 2. ovog Ugovora izvršiti će se u roku do 120 (stotinu dvadeset) dana od dana stupanja na snagu ovog ugovora, od toga:

- isporuku, instalaciju, konfiguraciju, testiranje i puštanje u rad opreme izvršiti u roku do 60 (šezdeset) dana od dana potpisivanja ugovora;
- implementaciju računovodstvenog programa i obuku uposlenika, ponuđač je dužan izvršiti u roku do 60 (šezdeset) dana nakon puštanja u rad IT infrastrukture.

UGOVORNA KAZNA

Član 6.

U slučaju kašnjenja u isporuci roba i izvršenju usluga do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu 1 ‰ (promila) za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe i naručene usluge koja je predmet narudžbe.

Odabrani ponuđač je dužan platiti ugovornu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

GARANTNI ROK I TEHNIČKA PODRŠKA

Član 7.

Garantni rok za opremu i usluge iznosi minimalno 12 mjeseci od završetka projekta, osim za stavku Server red.br. 3. iz Obrasca za cijenu ponude gdje je garancija 36 mjeseci od dana isporuke, montaže i puštanja u rad.

Tokom garantnog perioda izabrani ponuđač ima obavezu:

- o da otkloni probleme u radu isporučene opreme i softvera
- o da prilagodi računovodstveni program zakonskoj regulativi
- o da pruža tehničku asistenciju korisnicima računovodstvenog programa
- o da instalira sigurnosne nadogradnje na uređaje, operativne sisteme i aplikacije u skladu sa preporukama proizvođača

Obaveza izvođača je da se odazove i riješi zahtjeve Ugovornog organa, zavisno od prirode zahtjeve i uticaja na poslovanje prema sljedećoj tabeli:

Važnost problema	Vrijeme odziva	Vrijeme privremenog otklanjanja problema	Vrijeme konačnog otklanjanja problema
Kritični	15 minuta	6 sati	30 dana
Srednje važan	60 minuta	2 dana	30 dana
Minoran	120 minuta	4 dana	90 dana

U cilju bržeg i efikasnijeg pružanja tehničke podrške izabranom ponuđaču će biti omogućen daljinski pristup resursima koji su predmet podrške.

Član 8.

Dobavljač je obavezan nakon realizacije projekta dostaviti, source code računovodstvenog software-a koji je implementiran, kako bi Ugovorni organ imao vlasništvo nad software-om i kako bi mogao obavljati održavanje i eventualne izmjene i dopune aplikacije nakon garantnog roka, a bez ovisnosti o inicijalnom isporučioću software-a.

GARANCIJA ZA UREDNO IZVRŠENJE UGOVORA

Član 9.

Garancija za uredno izvršenje ugovora kao uslov za stupanje na snagu ovog ugovora u iznosu od 10% ukupne vrijednosti ugovora bez PDV-a dostavlja se najkasnije u roku do 15 (petnaest) kalendarskih dana od dana potpisivanja ugovora (sa klauzulom plativo na prvi pisani poziv korisnika garancije i bez prava prigovora, sa rokom važnosti, rok izvršenja ugovorenih obaveza + 30 dana).

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključen ugovor će se smatrati apsolutno ništavnim.

RASKID UGOVORA

Član 10.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
 - ako Dobavljač ne isporuku robe i izvršenje usluga u roku datog u Ponudi;
 - ako poslije djelovanja više sile nije moguće nastaviti realizaciju Ugovora;
 - Ugovor može biti raskinut izjavom Ugovornog organa ili Dobavljača u pisanoj formi.
- Izjava mora sadržavati razlog raskida Ugovora.

RJEŠAVANJE SPOROVA

Član 11.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 13.

Ovaj Ugovor stupa na snagu nakon obostranog potpisivanja od strane ovlaštenih lica ugovornih strana.

Član 14.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN
KJKP „POKOP“ d.o.o. Sarajevo


Izv.dir. Asmir Hodžić




Direktor, Goran Cerić

DOBAVLJAČ
„MIBO KOMUNIKACIJE“ d.o.o. Sarajevo


Direktor, Marko Boštjančić



Broj, 0602-3012-13/17
Sarajevo, 09.01.2018. god.

Broj, 09 / 18
Sarajevo, 17.01.2018 . god.